

Ի հեռանալ Նարկէսոսի, կալաւ զԱթոռն Երուսաղէմի Դիոս սակաւ ժամանակս. ապա Գերմանիոն, և զկնի Գորդիոս: Յաւուրս սորա երեւեցաւ Նարկէսոս. և յաղաչելն եղբարց, զիջեալ 'ի կամս նոցա վերստին կալաւ զԱթոռն. այլ վասն բազմամեայ ծերութեան իւրոյ անկարող էր այնուհետեւ վարել զտեսչութիւն եկեղեցւոյն, վասն որոյ ընտրեցին զԱղեքսանդրոս եպիսկոպոս Գամրաց կամ Կիւլիկեցւոց՝ աշակերտակից և մտերիմ Որոգինեայ 'ի սլաշտօն հովուութեան եկեղեցւոյն Երուսաղէմի ընդ Ներկեսոսի. զի 'ի նմին ժամանակի եկեալ էր յԵրուսաղէմ յերկրպագութիւն Տնօրինական տեղեաց Քրիստոսի. թէչպէտ կամեցաւ նա վերստին դառնալ յաշխարհ իւր, այլ եպիսկոպոսունք գաւառին արգելին զնա: Եւ յանձն առ զսլաշտօն հովուութեան եկեղեցւոյն Երուսաղէմի՝ որպէս երեւի 'ի թղթէն զոր գրեաց առ Անտոնինոս Կարակալայ՝ թէ հարցանէ զողջունէ ձերմէ Նարկէսոս, որ յառաջ քան զիս նա վարէր զեպիսկոպոսութիւն տեղւոյս, և այժմ աղօթիւք խնդրուածս առնէ ընդ իս. և են աւուրք կենաց նորա իրրեւամբ 119. և աղաչէ զձեզ որպէս և ես իսկ լինել ձեզ միաբան 'ի մի միտս և 'ի խորհուրդս հաւասար: Եւ ապա հանդեաւ Նարկէսոս անարատ վարուք 'ի խոր ծերութեան. (212):

Ի ժամանակս հալածանաց Սեւերոսի ընդ այլ խոստովանող վկայս եղաւ 'ի բանաի և Աղեքսանդրոս եպիսկոպոս, և և Անտոնինոս գարձոյց զնա 'ի տեղի իւր, որպէս զայլ աքսորեալսն վասն հաւատոյ: Փրեաց սա զանազան թուղթս առ այլ և այլ եպիսկոպոսունս և առ մտերիմն իւր Որոգինէս, որպէս և նոքա առ սա: Հաստատեաց մատենադարան ինչ յԵրուսաղէմ ըստ տանելոյ ժամանակին, և ժողովէր անդ զայլ և այլ գրեանս, որք գրէին յայնժամ երեւելի վարդապետք և եպիսկոպոսունք 'ի կողմանց կողմանց՝ յորոյ առեալ է բազում ինչ նա ինքն Եւսեբի, և և կոչէ զնա տուն գանձի:

Դեկիոս Տրայիանոս յարոյց հալածանս եկեղեցւոյ, եղեալ 'ի մտի բնաբարձ ջնջել զքրիստոնէութիւնն 'ի թշնամանս նախորդին իւրոյ Փիլիպպոսի նպաստաւոր եղելոյ քրիստոնէից. զի յաւուրս նորա բազմացան քրիստոնէայք 'ի կարգս